

讀史方輿紀要卷十四

崑山顧祖禹景范輯著
南昌彭元瑞共刪校定

錦里龍萬育燮堂校刊

直隸五

真定府

本至河間府三百五十里南至順德府二百八

百里西至山西太原府五百十里西北至山西

蔚州四百二十里東北至保定府三百

百里自府治至京師六百三十里

禹貢冀州地周爲并州地春秋時屬鮮虞國後屬晉

戰國屬趙秦爲鉅鹿郡地漢初置恒山郡後改常山

郡避文
帝諱

武帝分置真定國後漢建武十三年併真定

入常山國
治元氏縣

魏復爲常山郡晉因之

改治真
定縣

後魏

亦曰常山郡移治九後周於郡置恒州隋初廢郡存

州治真定縣煬帝復曰恒山郡唐仍爲恒州天寶初亦曰

恒山郡開元十四年於恒州置恒陽軍安史僭竊因置恒陽節度通典天寶十五載改爲平山郡

乾元初復爲恒州寶應初爲成德節度治元和十五年改爲鎮

州避穆宗諱天祐初又改成德爲武順軍以朱溫父名誠也梁開平四年王鎔附於晉仍改曰成德乾

化五年軍五代唐初建北都改州爲真定府旋改置北都於

太原復曰晉天福九年復曰恒州又改軍曰順國開

成德軍乃升爲漢仍曰鎮州尋復爲真定府仍曰成德軍周又爲

鎮州宋仍曰真定府亦曰常山郡金因之元曰真定

路明曰真定府領州五縣二十七

府控太行之險絕河北之要西顧則太原動搖北出

則范陽震懾若夫歷清河下平原逾白馬道梁宋如
建瓴水於高屋騁駟馬於中達也蓋其地表帶山河
控壓雄遠往者晉得此以雄長於春秋趙得此以縱
橫於戰國河北有事滹沱井陘間馬跡殆將遍焉漢
既并天下而平盧綰斷陳豨未嘗不取道常山真定
也及赤伏中微奸雄鼎沸典午難作戎馬雲翔數百
年中其地有不被兵甲者乎唐天寶之禍安祿山以
范陽精甲突出常山渡河南犯太守顏杲卿旋舉兵
於後斷祿山歸路且阻其西入之謀事未獲遂既而
李光弼郭子儀相繼出井陘入常山屢敗賊兵軍聲

大振漁陽之路再絕會潼關陷賊入西京光弼等引
軍入井陘而留兵戍常山諸軍懼不能守遣宗仙運
請於信都太守烏成恩曰常山地控燕薊路通河洛
有井陘之險足以扼賊咽喉若移據常山與晉陽相
首尾則盛業成矣承恩不從常山敗而河北悉爲賊
陷其後藩鎮擅命成德最強以朱滔之凶橫王武俊
舉恒冀之兵蹙之幾不能軍王承宗王庭湊後先專
恣以天子之命連諸道之兵四面進討相繼敗衄莫
克翦除也五代時契丹爲河北患常恃真定以抗之
真定覆而滹沱以南不可爲矣宋以真定爲重鎮河

北之安危係焉及釁起燕雲而眞定先罹其毒蒙古
取河北亦以眞定爲要地屯兵置鎮分轄三十餘城
乃定都於燕以近在畿輔防維常切明初旣下燕都
遂取太原亦道出眞定靖難之師爭於眞定間者久
而始決蓋襟要所存千古不能易也宋祁曰河朔天
下根本而眞定又河朔之根本其地河漕易通商賈
四集屯田瀦水限隔敵騎進戰退守綽然有餘故常
倚爲北面之重近時晉豫多故有草茅言事者其畧
曰京師地偏東北與中州分界差遠緩急應援常虞
艱阻邇者櫓槍四出派豕載塗觀其搏噬之情必有

突犯京師之意其突犯也必將招集黨類厚氣并力以倖一勝京師禁旅未盡精練雖近有薊永宣大之師然關門迫切必多掣肘持疑之間便稽旬日一有蹉跌悔不可追竊觀真定一郡居京師之左腋地廣力强北向京師西馳晉冀南下相衛皆近在數驛以內山川關隘旣足以控守而原陸平衍復利於屯營誠委任能臣一更風習廣召募之方嚴賞罰之典訓兵積粟先時而備賊勢尙遠則我厚集其力於近郊以奇兵出賊不意隨機撲擊賊必畏懾不敢遽前若賊以真定阻其鋒將甘心焉則塞井陘據滹沱以持

之所屬列城復堅壁清野以待之賊旣不得逞必盡
師鹵徒百計攻圍求快其忿俟其頓弊然後出銳師
以撓之或京師禁旅四方援師四合以殲之賊可平
也使賊避真定而不攻圖出沒於紫荆倒馬之間我
但明偵候謹烽火依險設伏以寡制衆以佚待勞我
必得志若其南出魏博東趨深冀或紆道德景寇軼
河間或轉掠宣大窺伺居庸我中權獨握因形制勝
或絕其後或翼其旁悞其所向乖其所之彼縱得至
京師而情見勢屈賊氣必衰臨以大軍必不戰而潰
耳然則列重兵於真定遠可以張折衝近可以固門

戶無事則爲屠齒之形有急卽爲根本之備也難者
曰保定不設重鎮乎曰保定去京師較近而去晉豫
爲遠昔日之備在京師之西北而今日之備在京師
之西南事勢不同也曰賊若分兵以綴真定而以重
兵疾走京師京師旣不獲真定之援必且坐困何如
專事京營俾足以居中應敵乎曰不然從來戰於城
內不如戰於城外拒敵於百里之內不如拒敵於數
百里之外且夫用兵之要在得情勢賊耽耽於京師
其攻真定之兵必多而不整貪而不忘我多爲方畧
鼓殄之乘初勝之氣馳援京師直壓賊壘賊必震

動京師聞之氣必百倍此真滅賊之日也大滅賊者
利其聚而不利其分曹公破韓遂馬超之軍姚萇平
雷惡地魏揭飛之衆其明驗也今賊有必聚之情又
有必向京師之勢而不早爲之計禍至而圖之豈有
濟哉時不能用

真定府

附郭戰國時之東垣邑也漢曰真定縣元鼎四年置真定國治焉後漢屬常山國晉爲常山郡

治後魏因之爲恒州治焉隋大業中爲恒山郡

治唐初仍爲恒州治載初元年改爲中山縣神龍初

復曰真定自是州郡常

治此今編戶十四里

東垣城

府南八里郡趙故邑也史記趙武靈王二十

年攻中山取東垣蘇秦說燕趙之攻燕也不

十日而數十萬之軍軍於東垣矣漢八年高祖擊

韓王信餘反寇於東垣十一年陳豨將趙利守東

讀史方輿

卷十四

直隸五

五

垣高祖目將攻之東垣降改曰真定後漢以後縣
 皆治此唐初移縣於今治五代梁乾化三年魏博
 帥楊師厚自趙州趣鎮州營於真定南門外燔其
 關城又龍德二年晉將李存進攻鎮州營於東垣
 渡夾漈沱為壘渡蓋以故邑名也又鎮州牙城曰
 潭城歐陽修曰常山宮後有池亦曰北潭州之勝
 遊惟此故牙城謂之潭城城邑攷郡舊城周二十
 里唐寶應中成德帥李寶臣築宋初韓令坤復修
 築之明正統末以北寇猖獗命重臣鎮守因增修
 城垣濬治壕塹嗣後以時修葺為門四城周二十
 里

常山城

府西南十八里隋開皇十六年分真定置常
 山縣大業初復省入真定縣或曰即漢常山

郡城也隋因舊城置縣劉昫曰後魏太武登常山
 郡城望安樂壘而笑之遂移郡治安樂即今鎮州

城悞也魏收志安樂壘在九門縣又恒陽城杜佑
 曰在今州城東開元中置恒陽軍於此或曰先天

初所
 置

新市城

府西北四十里其地有鮮虞亭杜預以為郡春秋時鮮虞國白狄別種也昭十二年晉假

道于鮮虞以滅肥司馬貞曰鮮虞姓國春秋之

末曰中山漢為新市縣景帝封王襄之為侯邑屬

中山國魏晉因之晉隆安初拓跋珪圖後燕中山

城慕容麟以城中饑困剽衆出據新市後魏亦屬

中山郡後齊後周因之隋大業初省八九門縣唐

武德初復置新市縣五年廢為新市鎮屬九門縣

元和四年以王承宗拒命詔諸道討之白居易言

河東易定兵討鎮冀竟不能過新市鎮是也景福

初河東帥李克用合易定兵攻城德帥王鐸戰於

新市為鎔所敗克用退屯樂城宋亦為新市鎮○

權城在府北二十里元和志云古棹鄉也後

漢建武初賈復大破五校於真定蓋在此也

滹

沱河在府城南一里圖經云府背倚恒山面臨滹

沱水是其上流自靈壽縣流入界又東入藁

城縣界范成大曰渡河五里即州城唐天寶末李

光弼入常山史思明自饒陽趣救光弼與賊夾滹

沱而陣敗却之其化三年朱全忠侵鎮州前軍逾

滹沱攻南門焚其關城王鐸懼而請和五代梁龍

德初成德將張文禮弑其主鎔晉王存勗遣兵討
 之渡滹沱圖鎮州夾漈渠以灌城未下二年晉將
 閻寶攻鎮州寶築壘掘塹決滹沱水環其城內外
 斷絕寶以城破在即不為備賊來攻遂壞長圍而
 出寶敗保趙州既而李存進攻鎮州亦夾滹沱為
 壘與賊相持於東垣渡舊有中渡橋在府東南五
 里跨河上晉開運三年契丹趣恒州晉杜威禦之
 至中渡橋契丹已據橋晉軍爭之契丹焚橋而退
 與威夾河而軍李穀謂威曰今多以三股本置水
 中積薪布其上橋可立成因與恒州合勢擊之彼
 必遁威不從尋以其眾降契丹及契丹入汴遷晉
 主於北荒晉主至中渡橋見重威舉慟哭而去胡
 氏曰中渡橋州人津渡之所也其上下流各有渡
 故此為中渡宋熙寧九年程助於此創繫浮橋元
 豐五年轉運副使周華言浮梁增費數倍既非形
 勢控扼請易以板橋至四五月防河即折去權用
 舡渡從之今府南跨河有通濟橋猶沿其制又碑
 沱河流近急每患漂溢歷代皆修築隄防以禦之
 金大定八年決真定堤岸十七年決鄆西白馬岡
 元大德十年決隄浸城至大初復漂南關百餘家

延祐以後屢屢修築為患未已堤防攷府西漳

河北舊有曹馬口堤長三十餘里以護城垣宋入

聖間堤壞尋復修築明成化十三年大水堤復潰

水勢逼城西南隅壞民廬舍關城中幾為巨浸

臣田濟請於舊河之數里外鑿新河延袤十餘里

分殺其流復築堤以禦舊河之水於是水有所歸

復於新河北築堤長四千餘丈環拱關南公私攸

賴自是屢有決溢皆因舊址疏築餘見前大川二

滋河入行唐縣之張茂村伏流不見至府有南孟社

復出東經藁城縣北無極縣南又東北入祁州深

澤縣境會於唐河即安州易水之上源也○西韓

河在府西二十里源出大鳴泉西南流

注於滹沱志云韓信伐趙時經此因名

大鳴泉府西二十里西韓河發源處也又有韓家曹

泉在府西十五里橋跨西韓河上其下有泉四十

五穴歲久淤塞明宣德初重濬以溉田大為民利

白馬關在府西北唐志鎮州有白馬關臨漳沱河旁

因名金大定中漳沱河決白馬岡

關始廢明永樂四年詔修

醴泉驛

在府南唐置天寶十四載常山太守顏杲卿遣兵襲執安祿山將何千年於醴泉驛是也

趙郡今府治南有恒山驛

井陘縣

府西南百五十里東北至平山縣入十二里西至山西平定州二百里漢縣屬常山郡後漢及

晉因之後魏仍屬常山郡隋屬恒州開皇十六年置

井州大業初州廢縣屬恒山郡義寧初置井陘郡唐

武德初復置井州貞觀十七年州廢縣仍屬恒州宋

熙寧六年省八年復置兼領大威軍仍屬真定府金

天會七年改置威州亦曰陘山郡元徙州治洛水

以縣屬廣平路明初仍屬真定府編戶十三里

葦澤廢縣縣屬并州大業初廢義熙初復置屬并陘

縣唐初屬并州真觀初廢入并陘縣又樂陽城志

云在縣東北七十里漢縣屬恒山郡後漢省○秀

洛周葛榮遣其黨王秀林築此城因名

天威城縣東北五十里宋初置天威砦於此尋曰天威軍熙寧八年校井陘縣治焉金初置威州

亦治此後仍還舊治今亦謂之威州城又名威州堡亦曰井陘店又縣西南二十五里有靈真城志

云韓信伐趙時築魏收志井陘縣有回星城即此城矣邑志縣西三里新教塲即古回星城以在回

星河側而名恐誤又縣北二

井陘山縣東北五十里井陘之險為河北河東之關要今縣境諸山錯列大約與井陘山相連接俱太行

之支龍也詳見前重險并陘

城山縣東南三十里一名障城山以山似城垣而名金末武仙餘黨趙貴等據山侵掠蒙古將焦德

裕擊平之明初大兵下井陘別將費聚取城山砦是也又東南二十里有神山巖谷幽邃○射堞山

在縣東南六十里志云秦王翦伐趙下井陘嘗射梁於此又東南十里為蒼巖山峯巒疊翠高崑雲

表中有石泉雖旱不竭又劍山在縣東十里山峯高秀如劍卓立因名

大臺山

縣西北二十里趾削頂平雄秀甲子封內亦名五峯山宋靖康間女真入犯居民多避兵

於此觀音坨山在縣北四十里孤峯聳天盤亘干初上可容十餘人中有清泉飛瀑遠流而下其

相近有鹿耳嶺山脅兩開形如虎耳因名志云縣西十里有白華山林壑深邃石磴崎嶇

雲鳳山

縣東北四十里山勢回翔有險可恃元末人保此曰鳳山砦又東北四十里有鑾臺山

相傳隋文帝曾駐於此○兩下嶺在縣西三十里

山脊隆起東西陡削如牆壁然又縣東南八十里有石牆嶺懸巖險峻有路僅通一線志云驢橋嶺在縣西十里嶺口為戍守處又有長銀洞在縣東

南四十里相傳舊嘗產銀

甘洵河

縣東南十五里其地有柘山巖河流遠其下一名治河其上游出山西平定州之綿山即

澤發水也流經縣境合於綿蔓水又東北流入平山縣界合於滹沱河元史滹沱在真定境中每患

決溢議者謂滹沱河源本微與沿河初不相通後二水合流其勢始盛因分引治河東出滹沱稍減